

蓮
程
詩
選

蓮邦詩選序

經云清泰國土寶樹珠網德水珍禽常出清暢和雅之音周徧世界皆演妙法乃是我无量壽如來欲令法音宣流變化所作衆生聞者歡喜無量自然隨順念天戒捨之道自然隨順清淨離欲之行自然隨順六度萬行之法自然隨順無畏不共之力故自他兼利惑業頓除皆得阿鞞跋致於無上菩提也明萬曆間雲棲妙意菴廣貴輯古今尊宿讚西方勸念佛懷淨土願往生之偈分類撰成蓮華世界詩一弓蓋淨土文錄充棟汗牛此輯又何爲也凡詩歌之協於聲

律也能沁人肺腑鼓人性靈不覺手之舞之足之蹈
之者惟詩爲然貴師之旨將欲以聲律化人願同彌
陀耶而況此方教體清淨在音耳根極利聞慧最圓
則何難化娑婆成清泰乎淨願社玄顯長老拾遺增
錄一百餘首改其籤曰蓮邦詩選屬余弁卷自顧燕
拙不敢贊辭略據法王之神化貴師之苦心玄老之
弘願庸規法侶兼以自勗焉古愚居士題

之音同詩世界皆能收此以長其天量壽故來今
孫云常泰因土寶樹莊嚴新水經金帶出青神味經
歡平補遺

原序

雲棲會下妙意菴廣貴撰

佛言諸佛如來是法界身則遍法界身是阿彌陀佛
何淨何穢何樂何苦然淨度三昧經有云人生一念
受一身百念受百身千念受千身一日一夜種生死
根後當受八億五千萬雜類之身百年中所造魂神
逐種受苦遍大千刹土體骨皮毛亦遍大千刹土當
其皮毛齒角森然變現時豈復能知遍法界異類身
是阿彌陀佛當其鞭笞雨下屠割奏刀時豈復能知
遍法界受苦異類身是阿彌陀佛當其鼎烹刀鋸犁

耕火炙時豈復能知遍法界餓鬼地獄受苦身是阿彌陀佛豈惟是卽儼然而人當其苦難忽逢刀兵乍逼爾時卽不能知我輩苦難身是阿彌陀佛豈惟是卽快然而得意五欲自娛榮華滿志爾時卽不能知我輩受享身是阿彌陀佛夫人世間在順在逆尚不能知此身是阿彌陀佛何況風刀解體八苦交煎之際何況改頭換面羽毛骨角之儔何況焰口針喉鑊湯洋銅之日然後不知我身是阿彌陀佛哉金剛上味經載文殊師利言一切凡夫以自繫縛故見地獄相雖非實有而令受者受苦譬如夢中見身墮地獄

萬火所燒擲入鑊湯彼人夢中吼言極苦若知是夢
虛妄不實身心得安所以法苑云觀罪性空者罪從
心生心若可得罪不可無今塵世中心空者幾人夢
破者幾人所以如來教人念一句阿彌陀佛正攝其
百念千念八億五千萬雜念於一念念至一念不起
自然證見阿彌陀佛然後知一念百念千念八億五
千萬雜念皆阿彌陀佛之念然後知一身百身千身
八億五千萬雜類之身皆阿彌陀佛之身然後知畜
生餓鬼地獄皆阿彌陀佛之法界然則經云一聲阿
彌陀佛滅八十億劫生死重罪豈不深切著明矣哉

故知一聲阿彌陀佛正是證明無淨無穢之淨土證
明無苦無樂之極樂正是空其心之丹藥正是大夢
中之霹靂也無奈我輩明知是夢却又尋夢明知是
夢引我入鐵圍山却又迷昧故鄉道路豈可不用過
來人語招之策之掖之涵濡之孔子曰興於詩立於
禮成於樂三者惟立禮爲堅定之力耳而興詩成樂
則始終皆以韻事發其歡喜鎔其格扞所以淨土光
中不但如來所出音聲皆演妙法其摩尼水流注華
間其聲皆演說苦空無常無我諸波羅蜜讚嘆諸佛
相好如意珠王湧出金光化爲百寶色鳥和鳴哀雅

常讚念佛念法念僧樓閣中諸天作天妓樂又樂器
懸空不鼓自鳴其衆音中皆說念佛念法念比丘僧
總之水流光明及諸寶樹鳬鴈鴛鴦皆說鈔法所以
行者出定入定皆聞鈔法夫坐蓮華上者猶藉此音
聲以增其進況其未到蓮池者乎小傳載張子房在
漢軍中項兵雖挫猶自相持子房乃教軍中作楚歌
使楚人懷鄉而漢事遂成可見聲音一道可以補攻
取之不及昔賢淨土之詠卽子房之還鄉曲也試看
詠淨土者多出于宗門之知識其殆佛門之子房也
哉

精敏士盡出於於門之吟誦其故歸門之門
順文不負昔賢教士之精曉子思之聖賢有少精
對整入對像而對事並效同是養育一尊師承師如
與軍中軍兵雖非敵日師若子思之精軍中對敵
其以對其敵其未恆其善守心對其師子思之
以善出其人其皆關其夫夫其善華士皆其善
其以不其善其善其善其善其善其善其善其善
其善其善其善其善其善其善其善其善其善
其善其善其善其善其善其善其善其善其善

蓮邦詩選年代名號

周

阿氏多

跋陀羅

迦哩迦

半託迦

晉

謝康樂

靈運

唐

善導

龐道玄

蘊

呂純陽

巖

貫休

惟岸

李青蓮

白

白香山

居易

李商隱

宋

大智

元照

仙潭

若愚

長蘆

宗賾

延壽

慧亨

慈受

懷深

冲默

檣庵

有巖

一行

宗利

蘿月

曇瑩

雪溪

希顏

北山

可旻

一元

宗本

無名僧

文潞公

彥博

蘇東坡

軾

黃山谷

庭堅

丁注

古音

草庵

許自新

馮氏

法信

元

中峯

明本

石屋

清珙

日觀

優曇 普度

廣製

白雲 圓信

明

楚石 梵琦

笑巖 德寶

古溪 覺澄

蓮池 株宏

達觀 真可

度門 無際

雪嶠 圓信

博山 元來

崑愚 觀衡

頂目 弘徹

萍踪 如曉

晦夫 大緣

丁蓮侶 明登

沈朗倩 大潔

妙意 廣貴

藕益 智旭

永覺 元賢

清

百癡

聞學 實定

蓮隱 智現

蓮手言通

鳳翔與楷

沈芝塘起潛

賀了悟壽昌

附

蘇三

宋

丁

大

七

宋

宋

宋

宋

宋

宋

宋

宋

宋

宋

宋

宋

宋

宋

宋

宋

宋

宋

蓮邦詩選目錄

如來弘願第一

一元 七首

中峯 五首

妙意 三首

沈芝塘 一首

苦勸廻韁第二

跋陀羅 一首

迦哩迦 一首

半託迦 一首

善導 一首

龐道玄 一首

貫休 一首

慈受 五首

冲默 一首

北山 二首

一元 九首

中峯 二十五首

石屋 一首

無名 一首

優曇 六首

廣製 一首

白雲 二首

楚石 六首

度門 一首

雪嶠 一首

妙意 五首

蕩益 四首

蓮隱 二首

沈芝塘 三首

翻然嚮往第三

謝靈運 一首

白香山 一首

李商隱 一首

蘇東坡 二首

長蘆 一首

一元 五首

許自新 一首

馮氏 一首

中峯 一首

優曇 三首

楚石 一首

雪嶠 二首

嵩愚 三首

沈朗倩 一首

蕩益 二首

永覺 一首

聞學 一首

蓮隱 一首

沈芝塘 一首

一意西馳第四

大智 一首

檀庵 二首

雪溪 九首

北山 一首

一元 九首

中峯 十首

日觀 九首

楚石 五首

笑巖 四首

古溪 二首

耑愚 一首

晦夫 一首

丁蓮侶 一首

沈朗倩 二首

蕩益 五首

永覺 二首

聞學 一首

沈芝塘 二首

執持名號第五

白香山 一首

北山 七首

一元 六首

古音 一首

中峯 五首

優曇 八首

楚石 二首

蓮池 三首

雪嶠 一首

失名 一首

頂目 二首

沈朗倩 四首

妙意 二首

蕩益 二首

永覺 四首

聞學 一首

蓮隱 二首

沈芝塘 二首

聖境現前第六

阿氏多 一首

呂純陽 六首

惟岸 一首

李青蓮 一首

延壽 一首

蘿月 一首

北山 六首

一元 三首

中峯 五首

楚石 十三首

古溪 二首

博山 三首

沈朗倩 一首

妙意 十四首

永覺 一首

聞學 一首

蓮隱 一首

發明心地第七

慈受 一首

一元 六首

草庵 一首

中峯 三十七首

優曇 二十八首

楚石 七首

達觀 二首

雪嶠 一首

博山 十一首

耑愚 十八首

晦夫 二首

萍踪 一首

沈朗倩 一首

妙意 十三首

蕩益 三首

永覺 十六首

百癡 二首

聞學 二首

蓮隱 一首

鳳翔 四首

沈芝塘 一首

賀壽昌 一首

華開見佛第八

龐道玄 一首

僊潭 二首

慈受 一首

一行 一首

北山 五首

一元 二首

中峯 三首

博山 三首

妙意 五首

永覺 一首

沈芝塘 一首

廣度衆生第九

文潞公 一首

一元 三首

丁注 一首

中峯 二首

優曇 八首

楚石 四首

博山 一首

永覺 一首

蓮邦詩選

雲棲會下妙意庵廣貴輯

淨願社釋玄顯堂陳韓補

如來弘願序

悲華經載往昔因中阿彌陀佛爲轉輪王釋迦佛爲大臣同於寶藏佛所發弘誓願輪王願於清淨安樂世界攝受衆生大臣願於五濁苦惱世界度脫衆生以此君臣弘願無窮無盡所以二如來爲兄弟沙彌時同以法華教度衆生而三乘授道之外有度未盡者度在彌陀故出此淨土一門一推一挽共成道化

以故釋迦佛四十九年說大乘經中恒歸宿此一門而會上單拈淨土一門者尤諄諄不已卽如世間朝夕所誦一卷彌陀經文句簡約然一則曰衆生聞者應當發願願生彼國再則曰衆生聞是說者應當發願生彼國土而又曰若有信者應當發願生彼國土其言極樂國土成就如是功德莊嚴者一見二見三見四見其言汝等衆生當信是不可思議功德一切諸佛所護念經秦譯六見至唐譯十方佛讚歎後則十見之而又曰汝等皆當信受我語及諸佛所說味其語氣恨不將此數語充滿一切衆生之耳恨不將

此數語鑽入衆生之肺腸愛何其切慮何其深悲何其至卽父母於至愛之子晨夕付囑亦未必如此之惓切也何以故蓋世間父母付囑子孫不過望其成家立業已耳至於如來見衆生不入此門必墮鑊湯鼎沸之中得失匪細則衆生不念佛悲安得不深衆生念佛自然攝取不舍論云譬如魚子母若不念子則爛壞佛若不念衆生善根亦壞所以無量壽佛經言當來之世經道滅盡我以慈愍特畱此經更住百歲又云此經滅後佛法全無但畱阿彌陀佛四字名號救苦衆生世上君臣兄弟能以淨土相成設化衆

生皆是從彌陀釋迦弘願中流出

如來弘願第一

西方詠

一元

西方化主度迷情佛力加持道易成撒手便行無異
路最初一步要分明

西方只要辦心堅努力勤修速向前順水行船加艣
棹導師接引願繩牽

西方今古鎮長存慈父哀憐度子孫八萬四千門路
別彌陀一句衆稱尊

西方大聖法中王接引羣迷放寶光不憚疲勞弘願

重常遊苦海駕慈航

西方有佛號彌陀普度衆生出愛河六八願門通九
品人人可到莫蹉跎

西方大道理綿長功德巍巍不可量非但釋迦開此
路怕沙諸佛盡稱揚

西方慈父動悲哀接引迷流歸去來早向蓮臺親托
質莫投凡世入胞胎

懷淨土

中峯

藕池無日不華開四色光明映寶臺金臂遙伸垂念
切衆生何事不思來

動地驚天勤念佛
搥門打戶勸修行
問渠因甚麼如
此只怕衆生入火坑
十願弘深不可量
心心念念廣宣揚
彌陀有願終須
到四色蓮花徧界香

阿彌陀佛法中王
愛河浪裏作舟航
一心願度沉淪
輩盡到西方極樂邦

六方佛出廣長舌
俱讚娑婆念佛人
須信白蓮花世
界無時不散劫壺春

阿彌陀佛讚

淨土教主號彌陀
四十八願利娑婆
九品咸令登彼

岸願度衆生出愛河

頌以無緣慈攝受衆生

妙意

梅花落盡杏花開豈是春風着意吹一氣不言含有
象萬靈何處謝無私

頌一一光明遍照十方世界念佛衆生攝取

不捨

寂光影裏現全身遍界光明迥出倫浪煖桃花魚憶
子無緣慈度有緣人

一點悲心劈不開鑊湯滾處笑盈腮希奇之事朕深
信見與君王說法來

彌陀像贊

沈芝塘

飢當餓糧渴當茶湯病當醫藥裸當衣裳無邊苦海
化作津梁無明暗室照見燈光途窮日暮回到家鄉
炎天暑熱吹來風凉水火盜賊凶不相妨虺蛇蝮蝎
毒不能傷逢人濟度隨處禎祥是慈悲父是大願王
人命呼吸迅速無常心心相印念念不忘高超上品
穩坐慈航往生下品猶勝天堂垂手接引同到西方

苦勸廻轡序

佛言得人身者如指上土失人身者如地上土雖信
佛語未知其故至讀楞嚴經言一切衆生六識造業
所招惡報從六根出惡業圓造者入阿鼻六根各造
兼境兼根者入無間身口意三作殺盜淫入十八獄
三業不兼者入三十六獄一根單犯者入一百八獄
地獄中歷劫燒然罪畢方受鬼形鬼業既盡方與世
間元負人惡對相值爲畜生以酬宿債三途綿遠如
此至較量壽命經所載地獄壽命活地獄一晝夜比
較人間算數一萬六千二百俱胝年獄愈進時愈久

地獄一道壽命之長又如此則善知識所言一失人身萬劫難與出得頭來是幾時之語豈非剜心剖腸痛哭流涕之言也哉今世上人求其六根清淨不犯一業者幾人則茫茫塵世大抵皆地獄之因耳求其爲餓鬼畜生尚不能得豈可不寒心哉楞嚴中載畜生中業報用錢役力償足自停若殺其命或食其肉經微塵劫相食相誅互爲高下無有休息食肉之轉徙爲如此然則我輩此一副面孔一旦失之復生何年凡此等之苦我輩凡眼不能自見唯如來悉知悉見安得不惓惓切切千言萬語苦口向人可憐平日

不念佛之人，在地獄苦難之中，亦不能念佛。近有活
閻羅王，公教地獄人念佛，但能念一句阿彌陀佛，卽
與出獄，而口噤不能吐一佛字，不信心之障重如此。
大智度論云：有諸菩薩，自念謗大般若，身墮惡道，歷
無量劫，雖修餘行，不能滅罪。後遇善知識教，令念阿
彌陀佛，乃得滅障，超生淨土。然則吾輩業海中衆生，
除却一句阿彌陀佛，更從何處生活？

苦勸廻轡第二

警世

跋陀羅

不結良緣，與善緣。苦貪名利，日憂煎。豈知佳世金銀

蓮華詩選
實借汝閒看幾十年

警世

迦哩迦

愛欲牽纏沒了期日生煩惱鎮相隨官中囹圄猶存
赦家業拘牽沒赦時

警世

半託迦

地水火風化此身身滅四大各歸真諸魔六賊皆消
散苦樂前程祇主人

勸念佛偈

善導

漸漸鷄皮鶴髮看看行步龍鍾假饒金玉蒲堂難免
衰殘老病任佗千般快樂無常終時到來唯有徑路

修行但念阿彌陀佛

古詩

龐道玄

一年復一年務在且遷延皮皺顏色減髮白髓枯乾
毛孔通風過骨消椽栢寬水微不耐熱火少不忍寒
幻身如聚沫四大亦非堅更被癡狠使無明曉夜煎
惟知念水草心神被物纏云何不懺悔便道捨財錢
外頭遮曲語望得免前愆地獄應無事準擬得生天
世間有這屬冥道不如然除非不作業當拔罪根源
根空塵不實內外絕因緣積罪如山岳慧火一時燃
須臾變灰燼永劫更無烟

觀地獄圖

貫休

峩峩非劍閣有樹豈堪攀佛手遮不得人心似等閒
周王應未雪白起作何顏盡日空彈指怵怵塵世間

警世

慈受

漁者不能獵獵者不能漁貴人錢爲網水陸皆可圖
畜生肉嘗遍諸佛心轉踈黃泉途路滑失脚恐難扶

又

美食意生貪粗食心起怒喃喃嗜飽滿殊不知來處
人生一飯間貪嗔癡悉具智者善思惟莫爲餽啜誤

勸衆念佛

鬢髮看看染雪霜
心猿意馬尚顛狂
一朝掩目歸空去
始信泥犁歲月長
業報差殊事不同
勞生無地出樊籠
欲知自性彌陀佛
在汝朝昏一念中
不是山僧說是非
修行魔事要君知
直須緊峭草鞋底
透過娑婆五欲池

警下品

冲默

愚流習惡久成風
平昔那知黑白踪
直待垂終諸業現
方驚已困四蛇攻
自非夙善熏聞力
安得稱名勇猛功
陡覺涼風吹業火
玉毫光裏面金容

讚淨土

北山

四色蓮華間綠荷一蓮華載一彌陀莫疑淨土程途
遠日日人生雨點多
暮鼓晨鷄不住催逡巡容貌變衰頽莫言白髮渾閒
事總是無常信息來

西方詠

一元

西方諦信莫生疑念佛修行要及時有限光陰宜早
辦骷髏着地幾人知

西方有路少人登一句彌陀最上乘把手牽他行不
得但當自肯乃相應

西方故國早回還人命無常呼吸間有限光陰當愛
惜今生蹉過出頭難

西方急急早修持生死無常不可期窗外日光彈指
過爲人能有幾多時

西方步步踏蓮華指路開門謝釋迦三復丁寧無別
說一心念佛早歸家

西方直指易修持本性彌陀孰得知六道三塗生死
轉思量怎不痛傷悲

西方易到可修行十念精專便往生奉勸世人男共
女大家速急趲歸程

西方功德與天齊反謗彌陀是闡提地獄墮身無量
劫不知何日醒羣迷

西方不到果然艱一失人身力拔山分付世間英烈
漢急須採寶莫空還

淨土詩

中峯

塵沙劫又塵沙劫數盡塵沙劫未休當念只因情未
撒無邊生死自羈留

四大聚成玄兔角六根縛住白龜毛漚花影裏翻筋
斗出沒閻浮是幾遭

東海一丸紅彈子流光日日射西林世間多少奇男

子誰向窓前惜寸陰
血池乾處藕池清
劍樹枯時寶樹榮
苦樂本來無住
相於無住處自圓成
佛與衆生夙有緣
衆生與佛性無偏
奈何甘受娑婆
苦不肯回頭着痛鞭
人間天上與泥犁
勞我升沉是幾時
白藕有根如不
種塵沙生死自羈縻
自家一個彌陀佛
論劫何曾着眼看
今日更隨聲色
轉這回欲要見還難

人間五欲事無涯
利鎖名韁割不開
若把利名心念

佛何須辛苦待當來

深思地獄發菩提父母家鄉勿再迷
痛策歸鞭宜早到莫教重待日移西

七月人間暑漸衰晚風池上更相宜
遙觀落日如懸鼓便策歸鞭已較遲

臘盡時窮事可憐東村王老夜燒錢
卽心自性彌陀佛滿面塵埃又一年

寄語娑婆世上人要尋歸路莫因循
銀山鐵壁如挨透千葉蓮花別是春

念佛不曾妨日用人於日用自相妨
百年幻影誰能

保莫負西天老願王

富貴之人宜念佛黃金蒲庫穀盈倉世間受用無虧
缺只欠臨終見願王

貧乏之人念佛時且無家事涉思惟赤條條地空雙
手直上蓮臺占一枝

老來念佛正相當去日無多莫暫忘南無阿彌陀六
字是名越苦海慈航

盡道少年難念佛我云年少正相當看他八歲龍王
女掌上神珠放寶光

身膺宰輔與朝郎蓋世功名世莫量自性彌陀如不

蓮華記
念未知何以敵無常

一等師家每勸人自心三昧不精勤身居淨白蓮華
土空把彌陀播口唇

一般平等惟心土貴賤賢愚沒兩途漆桶要教連底
脫大家齊用着工夫

便就今朝成佛去樂邦化主已嫌遲那堪更欲之乎
者管取輪迴沒了期

四蛇同籠險復險二鼠侵藤危更危不把蓮花栽淨
域未知何却是休時

諸苦盡從貪欲起不知貪欲起於何因忌自性彌陀

佛異念紛馳總是魔

愛河渺渺廣無邊六根繩纜要牢堅一心繫著菩提岸舉步高登般若船

警世

茶傾三奠復三奠一個骷髏燒未乾業識又鑽皮袋去鐵人聞也骨毛寒

警世

石屋

茅簷雨過日頭紅瞬息陰晴便不同況是死生呼吸事黃昏難保聽朝鍾

勸世念佛頌

無一名

殺業冤家漸債多將何詞理見閻羅教君一路超生
法不如知悔念彌陀

勸念佛

優曇

生死怵怵古渡頭彌陀撥動度人舟夙生有分今生
遇快上船來歸去休

一念心迷有萬端塵勞業識輾成團若非猛烈英靈
漢透出頭來也是難

我念彌陀不問禪只圖口快要爭先幸然有個遼天
鼻却被無明業子穿

老來死至怎生醫樂土風光誰得知到者同名無量

壽因從此畧念阿彌
法身清淨本無塵無奈衆生造業因地獄三途甘受
苦分明有理不曾伸

警悟

委骸回視積如山別淚翻成四海瀾
世界到頭終有壞人生彈指有何歡
成男作女經千遍帶角披毛歷萬端
不向此生生淨土投胎一錯悔時難

念佛偈

廣製

佛在心中須着眼莫拋腦後不相看
此時蹉過真成錯欲似今朝恐大難

望江南

白雲

娑婆苦身世一浮萍蚊蚋睫中爭小利蝸牛角上竊
虛名一點氣難平 人我盛日夜長無明地獄盡頭
成墜入西方無箇肯修行空死復空生

娑婆苦光影急如流寵辱悲歡何日了是非人我幾
時休生死路悠悠 三界裏水面一浮漚縱使英雄
功蓋世祇畱白骨掩荒丘何似早回頭

懷淨土

楚石

少年頃刻老還衰須信無常日夜催九十六家邪智
慧百千萬劫受輪迴不存寶界華池想爭得刀山劍

樹摧但自淨心生極樂此中聖賢許追陪

佛袈裟下失人身重得人身有幾人萬行不如修白
業一心何苦戀紅塵法王立誓邱山重迷子思歸涕
淚頻若解反觀觀自性拋來擲去總家珍

娑婆生者極愚痴衆苦縈纏不解思在世更無清淨
業臨終那有出離時百千經裏慇懃勸萬億人中一
二知珍重大仙金色臂早來携我入蓮池

忙裏偷閒亦在人人人生誰滿百年春送迎畢竟無時
了悲喜交煎逐日新休念功名惟念佛但憂道業勿
憂貧忽然鐵樹開花也妙轉如來正法輪

大患明明爲有身，須知疾病不饒人。但關妄想無非
妄，縱得真仙未是真。衆熱聚來風扇火，一期拋去骨
纏筋。唯餘念佛離生死，只戀閻浮化作塵。

罪重無如殺盜淫，身囚犴獄口呻吟。敲枷打鎖能稱
佛，覆地翻天莫變心。夜半從教神鬼嘯，空中自有聖
賢臨。收因結果蓮臺上，自性彌陀不外尋。

淨土詩

度門

高才弘略氣非常，那箇臨時不着忙。打雨敲風閒詠
較，驚天動地漫文章。愛河如未乾枯竭，淺浪還須作
主張。六字彌陀無註脚，歸依卽是大慈航。

勸修淨土

雪嶠

行船分付把梢婆須識長河逆順波只怕順風吹過
火轉來不得逆風多

頌下品中下生

妙意

下品中生者命欲終時地獄衆火一時俱至
遇善知識開示念佛生西六劫華開菩薩說
法下生者命終應歷劫受苦遇善知識開
示十念往生十二大劫華開菩薩說法

知識相逢豈易求危哉浪海此浮漚斜陽欲落未落
處盡是離人今古愁

稱佛名故於念念中除八十億劫生死之罪
鐵狗銅蛇正奮瞋風刀火鋸肉成塵一聲佛號翻身

去回首何曾見舊人

鷄聲茅店月華明客夢沉迷尚未醒
開得眼來天大曉蓬頭垢面奔前程

卽此心識造地獄卽此心識見佛成佛

因地而倒因地起離地求起無是理
不離濁水與污泥出頭仍是蓮華地

總頌下品三生

多生結得善根由幸免無邊苦海愁
早知大劫都盧坐悔不娑婆勇猛修

淨土偈

藕益

西方卽是惟心土緣具方能了正因忍慧互資成戒
品明珠獲惜不宜輕

西方卽是惟心土未到西方深可危夙障已如波浪
湧那堪新業又相隨

西方卽是惟心土悲智相應始克生莫謂大悲應憫
濁化他須是自功成

西方卽是惟心土三昧中王道最微瞥爾生疑千古
隔咬釘嚼鐵莫依違

懷淨土詩

蓮隱

攝心快向樂邦來莫待無常老病催若使此生重蹉

過難逃永劫墮輪迴天邊落日勤修觀世上空花不
用栽念念直前無退怯寶池坐看一蓮開

殘月鍾聲欲曉天如何高枕尚安眠請看竹馬風鳶
日忽到頭童齒豁年休逐世波沈黑業快稱佛號育
青蓮樂邦歸去須歸去莫待他人把手牽

勸念佛

沈芝塘

生死不能了勞勞何日休勸君早念佛卽此是圓頭
富貴與貧賤人生境不同萬般都有盡念佛福無窮
忙裏偷閒念人人做得來臨終方應驗淨土有蓮臺

翻然嚮往序

古德云衆生處五濁惡世如囚處獄雖罪有輕重然無有一人不苦者夫地獄餓鬼之苦猶云隔世而未知也畜生之苦猶云隔胎而未知也生老病死愛別離冤憎會苦猶云人生變態未必時時然也只如安常處順在家庭之間有何趣味法苑舉婆娑所言家居之可厭惡甚詳姑撮其一二有云家是難滿如海吞流家是無足如火焚薪家是苦性如冤詖親家是鬪亂共相違諍家是多瞋呵責好醜家是伎人種種晏飾家如眼夢富貴則失家如朝露須臾變滅家如

棘藜欲刺傷人此世間有身家者所共嘗之滋味也
然乎不然乎故要集舉涅槃云在家迫逐猶如牢獄
一切煩惱因之而生無已則削髮披緇可以無累歟
古德云爲僧心了總輸僧若其心了豈不超然大丈
夫也哉如其不了與俗何異而罪過尤細罪福決疑
經論錢穀因果之事如施主擬作釋迦改作彌陀擬
作大本改充涅槃之類卽計錢多寡論罪莊椿云盜
用常住一文錢一日一夜長三分七厘利第二日夜
利又長利蓋共三分七厘之利又起利也來世作牛
馬償之牛日還八文馬日還七文所以云作一生之

容易爲萬劫之艱難由此推之爲僧者可不惕然畏乎以此左推右測惟有淨土一門任意早脫終無再住閻浮之法

又

瑞應經佛言吾無數劫時本爲凡人初求佛道以來受形五道生死無量計吾故身不能以數夫釋迦佛學佛之後尚不免五道况學他道者乎惟生淨土者決不退轉但受持彌陀經者發念欲生阿彌陀佛國者釋迦佛皆許以不退轉則此法門之利益於佛道中又爲最勝故古德云修淨土者宜發願云吾自從

通判詩選
無始以來不曾持此法門以故輪迴六道不得出離
今日知之豈肯不卽時下手

翻然嚮往第三

淨土詩

謝靈運

法藏長王宮懷道出國城願言四十八弘誓拯羣生
淨土一何妙來者皆菁英頽年欲安寄乘化好晨征
病中畫西方變相願

白香山

極樂世界清淨土無諸惡道及衆苦願如我身病苦
者同生無量壽佛所

送臻師

李商隱

苦海迷途去未因東方過此幾微塵何當百億蓮華
上一蓮華見佛身

畫阿彌陀佛像讚

蘇東坡

錢塘元炤律師普勸道俗歸誠西方極樂世界眉
山蘇軾敬捨亾母蜀郡太君程氏簪珥遺物命匠
胡錫畫阿彌陀佛像追薦冥福以偈頌曰

佛以大圓覺充滿十方界我以顛倒想出沒生死中
云何以一念得往生淨土我造無始業一念便有餘
既從一念生還從一念滅生滅滅盡處則我與佛同
如投水海中如風中鼓索雖有大聖智亦不能分別

這手言這

願我先父母及一切衆生在處爲西方所遇皆極樂
人人無量壽無去亦無來

發願偈

臨終

生死猶如臂屈伸情鍾我輩一酸辛樂天不是蓬萊
客憑仗西方作主人

勸修淨土頌

長蘆

三界炎炎如火聚道人未是安身處蓮池勝友待多
時收拾身心好歸去

目想心存望聖儀直須念念勿生疑他年淨土華開
處記得娑婆念佛時

西方詠

一元

西方易到莫沉吟只要當人辦肯心彈指已超生死
海有緣得遇芥投針

西方徑路好修行勇猛加工速趨程九品蓮臺都有
分華開早晚悟無生

西方一着莫遲延抖擻精神速向前休待渴來纔掘
井只宜早趁白蓮船

西方精進莫遲延一墮疑城五百年大聖放光來照
破重歸淨土禮金仙

西方及早向前修閑是閑非一筆勾放下身心勤念

通井詩選
佛也無煩惱也無憂

淨土詩

許自新

同仗彌陀力齊登方便船樂邦容易到却勝苦叅禪

往生偈

馮氏法信

隨緣任業許多年枉作老牛爲耕田打疊身心早歸去免教鼻孔受人穿

懷淨土

中峯

清旦黃昏禮懺摩低頭泣告老彌陀輪迴六趣知多少誓欲今番出網羅

勸念佛

優曇

人間四相難逃死天上何曾免五衰寧可九蓮居下
品不來浮世受胞胎
長生不用神仙訣救急還須海上方靠着主人無量
壽算來都勝別思量
幾多失脚走閻浮世事如麻日轉稠故國田園埋草
裏野牛放蕩幾時休

懷淨土

楚石

一自飄蓬贍部南倚樓長歎月纖纖遙知法會諸天
遶正想華臺百寶嚴此界猶如魚少水微生只似燕
巢簷同居善友應懷我已等浮屠欠合尖

淨土詩

雪嶠

林下長開佛面花子規叫血數珠斜耳邊多少閒題
目賺煞春風不到家

溪上行歌杖紫籐落花沒膝叫黃鶯春池無月空撈
漉早叩蓮邦題姓名

淨土詩

崙愚

南北東西求所知怖頭認形總成迷直饒悟得聲前
事也要彌陀作導師

十方諸佛讚西方不是無端出廣長只恐癡禪耽寂
滅錯將斷滅作真常

寂光未異莊嚴土向上不爲斷滅禪細細蟲音宣法
界佛聲豈背未生前

懷淨土詩

沈朗倩

生無生法不須疑苦向嚴陵掌上推收拾金錢提櫬
子六爻皆吉是阿彌

淨土偈

滿益

西方卽是惟心土淨戒堅持莫使疎人世總皆跼蹐
境不須旅邸覓安居

西方卽是惟心土功行應教日日鮮一息不存誰努
力豈將精進遜先賢

淨土偈

永覺

纔生一念便生纏攝念無如念佛先直把娑婆全放下
毓神端在紫金蓮

念佛偈

聞學

願力如山重往生似羽輕見知融一念無量佛名經

懷淨土詩

蓮隱

漸看鬢髮著霜痕自省已非自討論一世竟成何事
業百年還有幾朝昏便須立志求安宅休更甘心赴
死門樂國不遙歸有路蓮臺好去覲慈尊

勸念佛

沈芝塘

認得今朝是方知昨日非修行原甚易何不早皈依

遺事言選

古今事考略卷之八

一意西馳序

世間念佛者多見佛者少知有淨土者多生淨土者少何也意不一故也蓋意爲第六識本宜爲五識之主而耳目口鼻爭以嗜好誘之意反爲五識之奴奴之既熟雖五識無感之時不來役意而紛紛擾擾無有寧晷所以全不知念佛者自然隨六根而受地獄之報其知有佛法福罪兼行者縱得人身亦仍來此樊然不淨之世界而已惟一意西馳者純是一心爲主故能感果于西方君王卽是如來作以心爲君者以佛爲君此孟子所謂先立其大小不能奪觀經所

謂卽心作佛卽心是佛雖正解不盡如是亦可旁通
於此矣雲棲云一心不亂者心王心所無所不一夫
心王心所雖有八與五十一之紛雜然遡流窮源不
出一心今念佛人初以耳識聞彼佛名次以意識專
注憶念以專念故總攝六根眼鼻舌身之識皆悉不
行念之不己念極而忘所謂恒審思量者其思寂焉
忘之不己忘極而化所謂真妄和合者其妄消焉則
七識八識亦悉不行主旣不行從者焉附其五十一
又何論也當爾之時巨浪微波咸成止水濃雲薄霧
盡作澄空豈非現在之西方乎

一意西馳第四

無量壽佛讚

大智

八萬四千之妙相得非本性之彌陀十萬億刹之遐
方的是惟心之淨土淨穢雖隔豈越自心生佛乃殊
寧乖己性心體虛曠不礙往來性本包容何妨取捨
是以舉念卽登于寶界還歸地產之家鄉彈指仰對
於慈容實會天真之父于幾生負德枉受沉淪今日
投誠必蒙拯濟三心圓發一志西馳盡來際以依承
歷塵劫而稱讚

懷安養故鄉詩

檀庵

通和詩卷
幾年衣袂惹京塵志氣凌雲莫自伸
南鴈數聲鄉夢斷秋風終夕淚痕頻
此迴若不懷歸計向後從誰結善鄰
請看路傍埋朽骨其中多是未歸人

昔年容易別瓊樓本也無心作遠遊
豈意而今髮垂雪片懷常挂月西鉤
枕中忽聽思歸鳥檻外頻驚落葉秋
一炷檀烟一聲磬等閒遙望淚橫流

憶佛軒詩

雪溪

自古有言人生百歲七十者稀予六十祝髮叨預
僧列今幸七十處世非久朝夕人耳平居非不誦
經課佛猶恨未爲專注遂取首楞嚴勢至章若人

憶念佛現前當來必定見佛之語命小軒曰憶
佛庶幾以爲臨終見佛先容耳且作山偈以繫於

左

隨波逐浪去翩翩彈指聲中七十年豈不向來知憶
佛欲從老去更加鞭掃除意地空空已煥發心華燦
燦然決定此身如許見風埃蟬蛻笑談邊

有盟晚景欲重尋惟是拳拳憶佛心數縷香消春塢
冷一龕燈伴夜窓深破畦蔬雨滋香積落澗松風發
妙音自恨不歸甘自棄旣歸安用越人吟

三椽老去許安貧佳處無如憶佛真萬事了知猶墮

通手言邊
甌百年惟此可書紳巖間靜寄蒲團夜松下聊供茗
盃春閉戶不忌常憶佛願常終似影隨身

平日叢林見祖師還如憶佛在今時但安谷底三椽
地不掛甬中一縷絲幽徑落花浮澗水小窓斜日下
松枝寂然真境知誰見惟佛嘗多入夢思

早尋史漢學爲文自許平生在博聞棄置寸陰隨逝
水思量于我竟浮雲閒中自識藏身穩勝處誰知憶
佛勤沈謝曹劉今底處草萊三尺但荒墳

我欲今身見佛來佛今于我豈悠哉但能一念心無
倦不假三祇眼便開紫燕黃鸝啼妙旨清溪白石示

珍臺要知成現還家路誰道無人爲挽回

名利毛繩截骨仇漆園猶自比蝸牛浮生最是無雙
處憶佛須知第一籌母子但能同室住風塵安用遠
方遊前程罷問從今始紙帳蒲團穩坐休

多年逃逝髻如絲憶佛難忘十二時咄咄自嗟爲蕩
子幾番花落路傍枝

自憐憶佛暮年深除佛無能寫我心誰道萬金爲客
好終非一飯在家村

懷西方詩
北山

已知今是昔何非深掩柴門到落暉竹尾輕搖新月

上簾腰半捲宿雲歸山林氣味盈懷抱松柏香烟滿
布衣一片蒲團常燕坐寸心西趨落霞飛

西方詠

一元

西方不遠莫他求一句彌陀作話頭但得盡生無別
念蓮華佛國任君遊

西方佛國勝生天亦勝蓬萊有漏仙亦勝王侯并富
戶要知亦勝坐癡禪

西方快樂勝天宮壽命難量福不窮無信衆生顛倒
謗有緣佛子道相同

西方景致勝蓬萊服氣飡霞養禍胎莫學出神修煉

法直教枯木放華開

西方富貴勝王侯種種莊嚴事事周但辦肯心求彼
國輪迴惡道一齊休

西方滿眼是蓮華百寶莊嚴富可誇諸上善人俱一
處不知其數倍恒沙

西方捷徑易求生只在當人一念誠精進再加修福
慧金臺上品得標名

西方端的是吾家一句彌陀路不差信得及時行得
實直教鐵樹也開華

西方受用勝豪家七寶池中四色華衣食現成非造

蓮華詩選

作光明相好絕纖瑕

懷淨土

中峯

朝叅暮禮效精勤
金沼蓮胎入夢頻
粉骨碎身千萬劫
未應容易報慈親

六時叩問黃金父
赤子飄零幾日歸
話到輪迴無盡處
相看不覺淚沾衣

兄呼弟應念彌陀
要與渾家出愛河
辦得此心常與麼
直教佛不奈伊何

昔有士夫吳子才
扣棺日日喚歸來
雖然跡未離三界
已送神栖白藕胎

船上西來憶故鄉
四花池上晚風涼
飄零不奈歸心切
一片輕帆掛夕陽

念佛須期念到頭
到頭和念一齊收
娑婆苦海風濤靜
穩汎樂邦紅藕舟

要結蓮華會上緣
是非人我盡傾捐
無時不作難遭想
歡喜同登解脫船

爲存愛見起貪嗔
埋沒黃金丈六身
今日幸然歸淨社
不應仍舊惹風塵

要將穢土三千畧
盡種西方九品蓮
仔細思量無別術
只消一個念頭堅

通井詩選

不懸艾虎慶端陽惟向西方古道場一炷爐薰一聲磬六門風遮藕花香

懷安養

日觀

夢中哭向佛願早死便得小小蓮華開永超生死窟
夢中哭向老金仙願賜冥熏助着鞭金沼蓮華無數
有定生一朵免垂涎

聞道西方事宛然此行須藉好因緣磨教一念明如
鏡不怕彌陀不現前

長把身心看夕陽夕陽收處藕華香水禽風樹知予
意惆悵人間夢未忘

三十六策走爲上一二萬聲死爲期浮世光陰能幾
在晚香燒罷憶金池

直上高樓望故鄉金烏落處暮雲蒼懸知父母哀憐
久腸斷飄萍在遠方

生死循環那可逃此心未了漫徒勞如今不做輪迴
夢只走人間這一遭

生人要結死人緣活者須參亾者禪莫把泥團穿一
串黑糊塗地入黃泉

淨土詩

落日西方散紫霞心地澄淨現蓮華擡頭便是家鄉

通雅詩選
路不信生疑隔海涯

懷淨土

楚石

日夜思歸未得歸天涯客子夢魂飛覺來何處鴈聲
過望斷故鄉書信稀幾度開窓看落月一生依檻送
斜暉黃金沼內如船藕想見華敷數十圍

曾聞白鶴是仙禽日日飛來送好音便欲寄書諸善
友定應知我一生心長思樂土終歸去肯執蓮臺遠
訪臨百歲真成彈指頃娑婆只恐世緣深
琉璃地列紫金幢翡翠樓開白玉窓文字可誇才不
稱肉身未到意先降能言孔雀知多少善語頻伽定

幾雙清夢正貪歸路直夜闌無奈鼓逢逢

人生百歲七旬稀往事回觀盡覺非每哭同流何處
去閒拋淨土不思歸香雲瑪瑙塔前結靈鳥珊瑚樹
裏飛從證法身無病惱况淩禪悅求忘饑

莫將胎獄比華池早向池中占一枝却坐大華成佛
子何煩慈母浴嬰兒口食法喜真饒饒心得明門妙
總持般若臺前定回日令人長憶鴈門師

淨土詩

笑巖

蓮土醫王妙藥多而今盡付在娑婆昨曉親入病夫
口受用如何說似他

通雅詩選
欲作西方極樂人如遭大病纔將好緣思伎倆不能
生稱體蓮華香杲杲

竭誠一念力全提似夢全身墮水泥拽開念頭忪眊
眼桃花笑入武陵溪

紅輪沒處是吾家只恐當機一念差導者未來忌去
着乾坤是箇黑蓮華

懷淨土

古溪

自南自北走風塵回首西方入夢頻念佛每依芳草
渡歸心常到藕華濱可憐杜宇千聲切怎似彌陀一
句親不學爲山行異類寧栖淨土且爲民

淨土詩

追思父母未生前痛徹心頭得幾年面目昨來遭毒
手一腔熱血葬青蓮

淨土詩

崙 愚

貧室多爲兒女苦家饒又慮子孫稀道人飯罷無餘
事西望白雲片片飛

淨土詩

晦 夫

樓閣重重鸚鵡洲幾人到此自悠悠清江一曲離情
調你若無心我也休

淨土詩

丁蓮侶

蓮華詩選
千劫升沉事可嗟
須彌散骨亂如麻
于今自覺知慙
愧淚眼晨昏只憶家

淨土詩

沈朗倩

蓮花不裹六塵胎
日月籠中自剪裁
拚此一堆窮骨
于這場春夢要親推

放步復尋百尺竿
男兒特地斬樓蘭
等閒踏遍惟心
土未許花前立馬看

淨土偈

萬益

西方卽是惟心土
不識西方豈識心
何事謬希圓頓
解却將落葉作黃金

西方卽是惟心土篤信西方卽信心念念若開圓頓
解不須離教自玄深

西方卽是惟心土擬撥西方理便乖極樂一塵同刹
海假饒天眼未知涯

西方卽是惟心土土淨方知心體空一切境風猶掛
念云何妄說任西東

西方卽是惟心土像季尤爲法海梁信念刹那能甫
具珍池已覺寶花香

示莊居士

求覺

西方有佛久相招肯信須知路不遙還觀此念從何

起歷劫娑婆當下超

示達理上人

西方有路不難通
送想歸西莫戀東
念佛常如子憶
母何愁子母不相逢

念佛偈

聞學

西方開淨域不染世間情
前路無知己君須獨自行

勸念佛

沈芝塘

一心能不亂久久自成功
只要工夫熟何愁路不通
間斷功難進常修道自成
念頭須切實發願在心誠

執持名號序

執持名號本一心不亂中出非是易事予思之擇善
固執顏子之拳拳服膺虞舜之允執厥中皆言執也
夫三月不違而後可以言服膺惟精惟一而後可以
言允執所以執持名號不同於少福德因緣蓋生西
是心上事福德因緣猶有在事上做者故相去懸絕
所以觀經云至心念阿彌陀佛一聲滅八十億劫生
死重罪古德謂一心既朗積妄頓空喻如千年闇室
一燈頓炤此理執持之效也然人不可自謂理性未
明事持無益雖是事持而持者亦心也大勢至圓通

章云不假方便自得心開純一念去自有悟曰孔子
言困而學之及其知之則一夫孔子說生說學皆落
一知字至困學之人不下知字則胸中之不明了可
知謂之曰困則學時散亂昏沉無可奈何之狀可以
想見然及其知之則同一大圓鏡智矣昔佛世一老
人求出家舍利弗等諸大弟子俱不肯度謂彼多知
無善根佛言此人無量劫前爲採薪人猛虎逼極大
怖上樹稱南無佛以是善根遇我得度獲羅漢果夫
散心念佛一句尚求劫不磨況專志持名豈有不往
生者哉

執持名號第五

念佛偈

白香山

余年七十一不復事吟哦看經費眼力作福畏奔波
何以度心眼一聲阿彌陀行也阿彌陀坐也阿彌陀
縱饒忙似箭不廢阿彌陀日暮而途遠吾生已蹉跎
旦夕清淨心但念阿彌陀達人應笑我多却阿彌陀
達又作麼生不達又如何普勸法界衆同念阿彌陀

懷淨土

北山

西望樂邦雲杳隔一鉤新月灣灣白意欲往生何計
策彌陀一念聲千百

文墨尖新無處用已將名利渾如夢一串數珠隨手
弄惟聞念佛心懽勇

覽遍經文與律儀頻頻惟勸念阿彌一聲消盡千生
業何況嘵嘵久誦持

紛紛世態盡空華講外無餘掛齒牙一串數珠新換
線阿彌陀佛做冤家

菊腦薑芽一飯餘其他安敢費工夫從今十指無閒
暇且盡平生弄數珠

惟將焚誦足平生夜夜嘵嘵一二更隻影自憐塵世
外風前月下恣經行

善導可嗟今已往化來老少皆歸嚮佛念一聲分一
鎚一聲一佛虛空上

淨土詩

一六元

西方極樂衆稱尊普勸諸人入此門有口不須閒講
論單提佛號度朝昏

西方弘誓廣流通一句彌陀好用功歷歷分明無間
斷聲聲喚醒主人翁

西方徑到莫徜徉全要當人自主張但得一心專念
佛蓮華國內姓名香

西方門路甚分明一句彌陀速趲程早到金剛臺上

蓮華言通

坐同名同號證無生

西方捷徑勝叅禪一句彌陀快着鞭
十萬億程彈指到爲人只欠自心堅

西方易往少人知徑路修行不用疑
六字真經純熟了金蓮臺上禮阿彌

念佛偈

古音

行住坐卧之中一句彌陀莫斷須信因深果深直教
不念自念若能念念不空管取念成一片當念認得
念人彌陀與我同現

淨土詩

中峯

一串數珠烏律律百千諸佛影團團循環淨念常相
繼放去拈來總一般

現成公案絕商量曉磬頻敲臘炬長晝夜六時聲不
斷蒲門風遞白蓮香

心中有佛將心心念到心空佛亦忘撒手歸來重檢
點華開赤白間青黃

一心念佛莫蹉跎堪嘆人生去路多急急稱念彌陀
佛莫把光陰溺愛河

一句彌陀勝坐禪一聲未了一聲連心心念念工夫
到在在西方極樂天

念佛詩

優曇

彌陀教我念彌陀我又如何離得他我不識他他是
我相逢覲面笑呵呵

一句彌陀容易持朝昏記念勿相離念來念去心花
綻更是彌陀出世時

自性彌陀見也麼問他面目是如何祇知開口茫茫
念言下誰知蹉過多

自家一箇彌陀佛不假修持已現成莫謂目前全不
見一聲喚着一聲應

我念彌陀不暫離一阿彌了又阿彌阿彌自喚阿彌

問你是阿彌我是誰

我念彌陀不在聲高山流水是知音更深人靜月明
夜廣舌宣流白藕香

聲聲念佛意何長恰似嬌兒喚阿娘直得一聲相應
處天真母子喜非常

好將金字寄金蓮一句彌陀猛着鞭從頭颺下閒家
具車轉花中占一單

懷淨土

楚石

咫尺金容白玉毫單稱名號豈徒勞晨持萬遍烏輪
上夜課千聲兔魄高歲閱炎涼終不倦天真母子會

相遭如何說得娑婆苦苦事紛紛等蜩毛

閒中獨坐面西方手把輪珠念不忌佛號能令心地
淨舌根便作藕花香暉暉日到銜山處閃閃金浮滿
室光此境此時無別想許君親見鼓音王

除夕上堂有出多娑婆三韻 蓮池

六字真經攝義多總持一似唱也娑自從驀直西方
去閒殺臺山指路婆

示大掉

有生必有死長短安足論今得圓僧相平生願已滿
當生大歡喜切勿懷憂惱萬緣俱放下但一心念佛

注想極樂國上品蓮花生見佛悟無生還來度一切

答慈聖皇太后問法

尊榮豪貴者繇宿植善因因勝果必隆今成大福聚
深達罪福相果中更植因喻如錦上花重重美無盡
如是修福已復應慎觀察修福不修慧終非解脫因
福慧二俱修世出世第一衆生真慧性皆以雜念昏
修慧之要門但一心念佛念極心清淨心淨土亦淨
蓮臺最上品於中而受生見佛悟無生究竟成佛道
三界無倫匹是名大尊貴

淨土詩

雪嶠

一二三四五六七一心不亂往生西佛言說得雖容
易動步通身入淤泥

淨土詩

失名

繫心一句阿彌陀日用閒忙任寡多如是盡終不妙
悟也教帶業出娑婆

念佛偈

頂目

念無念念古彌陀念到無心壽轉多不動尊王全體
現脚跟隨處湧金波
念無念念永無遮念到無心始出家任運騰騰隨脚
轉去來步步踏蓮華

懷淨土

沈朗倩

四十九年唇口債千七百則葛藤窠老僧怕事都推
却閒把光陰送曩謨

猛把屠刀斫愛窠手中殺活肯饒他洪名六字刀刀
血不似風飄驢耳過

亂搭伽黎挈領頭持名不是任情搗一聲直去無消
息最似蒼鷹始脫鞵

念佛偈

十千聲佛日爲規聽得鷄鳴便起持枕上有橋通極
樂此身已坐碧蓮池

蓮邦請進

頌執持名號一心不亂

妙意

昏沉散亂如雲霧萬劫從教今日破大地乾坤通一
句聲聲截斷千差路

自從夜半安心後直至從頭更不疑兩眼爍開天地
濶太平無象到今時

淨土偈

滿益

西方卽是惟心土一串明珠萬行圓掐到斷時頻換
線蓮邦左券更無愆

佛會偈

已信彌陀大願舟共修三昧度迷流六時行道無餘

想一句洪名似救頭應痛盲龜常在溺獨忻孔木只
今浮殷懃撥入無生理七寶池邊握手遊

示林泡庵

永覺

佛號綿綿不斷聲恰如猛火鍊真金鑛盡金全成大
用鑑地輝天別揀明

佛號直如倚天劍截斷千枝與萬枝眼前便是蓮華
國那管彌陀願力慈

念佛偈

彌陀一句無他念萬念俱空見本然便是塵塵成解
脫不須更問祖師禪

示吳善友

念佛一門最爲直截不須多知解不用巧言說祇要
一句佛崛然如寸鐵管甚恩與愛管甚怨與結諸念
俱不生娑婆影自滅

念佛偈

聞學

子母不相離淨念常相繼良哉大勢至得此無盡意

懷淨土詩

蓮隱

一句彌陀火裏蓮五種諸教莫能詮聲聲不斷魔難
近念念無差佛現前多劫沉迷根盡拔一生精進果
堪圓含靈抱識皆同體但辨有心誰不然

凡夫羸劣觀難成但事持名卽往生到底若能心不
異臨終自有佛來迎世緣易染刀頭蜜道念難堅水
上萍樂國風光殊不惡歸歟早賦徹宵征

勸念佛

沈芝塘

人生都是假萬事總成空要到西天去全憑六字中
莫道年華好光陰迅速過認明方便路惟有念彌陀

續公傳

續公傳

王莽傳國通未立不意無德生而無德也

王莽傳國通未立不意無德生而無德也

王莽傳國通未立不意無德生而無德也

聖境現前序

諸佛如來入一切衆生心想中如白日升天影現百川然假使川中水濁日雖在天亦無由見故必以觀門念佛方能澄清濁水心眼開發廣見依報無常經有云人將命終身心痛苦應令病人觀佛相好心心相續使發菩提之心復爲廣說三界難居三途苦難唯佛菩提是真歸依嗚呼此如來悲憫衆生拔濟於臨命終時之苦心也佛言垂終之心其力甚大故臨終之念能消重業然予見平生念佛人至臨命終時容有痛苦逼身舌根短硬不能念佛者有之何況平

時觀想不熟至八苦交煎四山相逼之時欲其隨知
識之口念佛聲聲不絕作觀心不散亂此必夙世因
中善根深遠乃能得之豈可望于悠悠之衆生哉必
如觀經云惟除睡時恒憶此事又云出定入定恒聞
妙法方是穩着

聖境現前第六

淨土詩

阿氏多

自然音樂樂無涯七寶樓臺麗日霞上妙衆香常不
散繽紛雲裏雨天花

九品蓮花偈

呂純陽

挺挺出金池
瓣瓣含玉露
火裏放奇香
色比菩提固
心卽臺之象
蓮因色是身
西方無個處
極樂悟虛真
雙行樹裏泥
團九品蓮中
甘露頻伽不
解無生飛向
恒河深處

昨夜天風吹
北斗驪龍獅
子一齊吼要
見蓮花何處
尋蓮花却在
如來口

菩提無樹鏡
無臺安得蓮
花九品開分
付通源休浪
悟客塵二字
證如來

道人慣會饒
舌要講蓮花
顏色不長婆
婆四部中不
染青黃赤白
黑時時入觀
見如來柳花
搖動瓔珞月

蓮華詩選

往生偈

惟岸

觀音助遠接勢至輔遙迎寶瓶尉上顯化佛頂前明
俱遊十方刹持華候九生願以慈悲手提獎共西行

淨土詠

李青蓮

向西日入處遙瞻大悲顏目淨四海水身光紫金山
勤念必往生是故稱極樂珠網珍寶樹天花散香閣
圖畫了在眼願托彼道場以此功德海冥祐爲津梁
八十億劫臯如風掃輕霜庶觀無量壽長觀玉毫光

臨終生西偈

延壽

彌陀口口稱白毫念念想持此不退心決定生安養

西歸軒

蘿月

君言樂國是吾家自笑飄零客路賒一點歸心懸落
日百年幻事寄空華臍輪不鼓經簾卷鼻觀常清篆
縷斜正念相成無外物小窓行樹綠交加

懷西方

北山

西指西瞿更向西向西西去有招提華開菡萏光無
夜地布琉璃瑩絕泥風動法音強八詠池流德水勝
雙溪臨終但得超生去九品從教低處低

從是西方十萬億山長水遠誰人識唯有觀門歸路
直坐澄劫水琉璃碧

兀坐初修水觀成微風不動翠波平幽深境界誰人
見一片琉璃照眼明

爲厭娑婆求淨土馳情送想存朝暮誰信不勞移一
步樓臺隱隱雲深處

誰知端坐却能遊頃刻心飛到玉樓竹影月移來戶
牖更疑行樹在簷頭

九品蓮華次第排也應荷葉翠相挨未知何日生蓮
畧無奈朝昏甚掛懷

西方詠

一元

西方淨土果奇哉優鉢羅華徧畧開種種現成真富

貴一華臺上一如來

西方在近路無多直下承當在剎那觸目遇緣皆極
樂水流風動演摩訶

西方大地是黃金寶樹叅天演法音如此名爲安樂
國三塗八難永無侵

懷淨土

中峯

勢至曾叅日月光教令存想念西方自從親證三摩
地不離慈尊左右旁

觀經一卷是家書日落之方有故居多辦資糧期蚤
到免教慈父日嗟吁

通手言選
濁水盡清珠有力亂心不動佛無機眼前盡是家鄉
路不用逢人覓指歸

大圓鏡裏絕塵埃碧藕花中有聖胎遙望金沙池沼
外寶光常照玉樓臺

淨土讚

極樂世界淨瑠璃寶樹行行列四維金沙布地銀堦
道壁玉闌干繞七圍

淨土詩

楚石

儒者之詩云伐柯伐柯其則不遠說者曰執柯以
伐柯睨而視之猶以爲遠信斯言也吾宗念佛惟

我自心心欲見佛佛從心現阿彌陀佛三十二相
八十種好性本具足不假外求神通光明極未來
際名無量壽至於華池寶座瓊樓玉宇一一淨境
皆自我心發之妙喜有云若見自性之彌陀卽了
惟心之淨土如楞嚴會上佛勅阿難一切浮塵諸
幻化相當處出生隨處滅盡因緣和合虛妄有生
因緣別離虛妄名滅殊不知生滅去來本如來藏
常住妙明性真常中求於去來迷悟生死了無所
得旣無所得但是一心若淨土緣生穢土緣滅則
娑婆卽壞壞亦幻也若穢土行絕淨土行興則極

樂交成成亦幻也然此生滅淨穢不離自心心不見心無相可得雖終日取捨未嘗取捨終日想念未嘗想念在彼不妨幻證在此不妨幻修一發心時已成正覺何礙幻除結習幻坐道場幻化有情幻臻極果豈不了世出世間之幻法調御丈夫之事乎昔天衣懷禪師親見明覺盡佛祖不傳之妙嘗修淨土垂問學者曰若言捨穢取淨厭此欣彼則是捨取之情衆生妄想若言無淨土又違佛語修淨土者當云何修乃自答云生則決定生去則實不去無過此語也有心者悉當念佛前所謂惟

心淨土自性彌陀不出戶庭夫何遠之有

要觀無量壽慈容只在如今心想中坐斷死生來去
路包含地水火風空頂分肉髻光千道座壓蓮華錦
一叢處處登臨寶樓閣真珠璀璨玉玲瓏

放下身心佛現前尋常盈耳法音宣風柯但奏無生
曲日觀長開不夜天行起玉階雲冉冉坐依珠樹月
娟娟凡夫到此皆成聖不歷僧祇大果圓

未歸極樂尚閻浮漂泊風塵更幾秋殘夢頻驚蕉葉
雨故鄉只在藕華洲屈伸臂頃無多地高占人羣最
上頭二大士心憐老病何妨攜手入瓊樓

法王治化寶蓮宮菩薩聲聞蒲國中普覆猶如天在
上大明勝似日生東青螺髻接浮雲嶺白玉毫輝跨
海虹世出世間無比者當知體性本來空

天人莫不證神通一一黃金色相同散衆妙華爲佛
事盡塵沙界起香風身光觸體成柔軟樂具流音說
苦空却倚雕欄看寶樹無邊佛國在其中

幾回夢到法王家來去分明路不差出水珠幢如日
月排空寶蓋似雲霞鴛鴦對浴金池水鸚鵡雙啣玉
樹花睡美不知誰喚醒一爐香散夕陽斜

蓮臺得坐最高層我許凡夫願力能頃刻人心翻作

佛斯須水觀化爲冰玉抽瑪瑙塔前樹金匝瑠璃地
上繩無限天華蒲衣裓十方佛國任飛騰

衣不傷蠶食不耕水邊林下好經行身心快樂無諸
苦依正莊嚴在一生念念佛光從口發時時天樂遍
空鳴却嫌鞋襪泥滓千葉蓮華向足擎

多言極樂向西尋究竟不離清淨心空影入池皆碧
玉日光穿樹盡黃金事如夢幻雖非實理到圓常却
甚深八萬四千真相好請君危坐扣靈襟

家在西頭白玉京老來難遣故鄉情每瞻雲際初三
月先注華間第一名密密踈踈琪樹影來來徃徃水

金聲紅樓紫殿春長好縱有丹青畫不成

吾身念佛又修禪自喜方袍頂相圓曾向多生修福
果始依九品結香緣名書某甲深華裏夢在長庚落
月邊濁惡凡夫清淨佛雙珠黑白共絲穿

無邊大士與聲聞海衆何妨逐品分一會聖賢長在
定十方來去總乘雲談玄樹上摩尼水念佛林間共
命羣坐卧經行無罣碍天華隨處落繽紛

西望紅霞白日輪仰觀寶座紫金身一方土淨方方
淨當念心真念念真生極樂城終不退盡虛空界了
無塵向來苦海淨還沒何幸今爲彼岸人

淨土詩

古溪

彼無惡道絕聞名羣籟都爲念佛聲細潛通渠調錦
瑟微風吹樹奏瑤笙鶴從翡翠簾前下人在琉璃地
上行行者悠然心不亂琅琅天樂自來迎

修途十萬一毫端何謂西方路渺漫佛境不從心外
見真容多在定中觀寶華叢裏巢鸚鵡玉樹枝頭宿
鳳鸞清泰故家迎海衆風雲際會一聲歡

淨土詩

博山

淨心卽是西方土錦綉乾坤淨業成一句彌陀纔吐
出昂藏皮袋廓然清

淨心卽是西方土一句彌陀一佛成大地都來銀世界更於何處覩明星

淨心卽是西方土口說無憑步最親爛壞木魚輕擊着幾多花雨亂繽紛

淨土詩

沈朗倩

珍羅垂網引香臺口滑迦陵幾喚回林下笑逢金色侶共攜花裊候如來

詠日觀

妙意

一輪明鏡劫塵封咫尺彌陀路不通萬法惟心初約日從知大覺卽心翁

詠水觀

冰結琉璃

俄然成水忽成冰冰結琉璃寶池成妙性圓明無住
相隨渠建立自心生

寶幢光明

七寶金幢百寶成寶珠八面寶光擎一光八萬四千
色億日輝煌映眼明

華幢演法

華幢臺邊樂器盈清風八種自然生樂音風鼓傳空
諦趺坐琉璃傾耳聽

詠八功德池水觀

八功德池純一珠王所成成池水者寶也而成寶者珠也蓮華生於池中而水之流於華間演說妙法者亦珠之所爲也金色光化爲寶鳥讚嘆三寶而涌出金光者亦珠之所爲也

池開寶蓮

珠成七寶寶成池池作金渠十四支蓮華詎止車輪大觀佛成時某在斯

水流說法

珠水涓涓遶勝蓮廻環上下法輪圓苦空無我聲聲出又寫如來相好篇

鳥聲說法

珠光化鳥鳥和鳴鳥語嚶嚶佛法僧功德水中無盡
藏相看總是性珠明

詠樓閣總觀

琉璃寶池黃金界樓閣空中天樂清音中共奏無生
曲觀聰明時定往生

水觀別詠

碧波深處釣魚翁拋餌牽絲力已窮一棹清風明月
下不知身在水晶宮

鳥鳴說法別詠

拂拂山香滿路飛百花俯仰闢芳奇春風無限深深
意未審黃鸝說向誰

樹說法別詠

貝葉收不盡一句無私萬法印千聖滿口不能宣嶺
梅漏泄春光信

總詠

也大奇也大奇無情說法不思議若將耳聽終難會
眼處聞聲方得知

頌起自心生於西方極樂世界於蓮華中結

跏趺坐

茫茫不識火中蓮
蒲面塵埃又幾年
歛土揚沙無避處
翻身直到御樓前

堯舜垂衣萬國賓
撥雲見日意休陳
東方來者東方坐
遍界通霑雨露新

淨土偈

永覺

琉璃寶池黃金相
不在西方不在東
妄想盡消歸一佛
自然身坐藕花中

念佛偈

聞學

飛鳥弄圓音
水有八功德
歷歷顯清機
皆因淨心得
懷淨土詩
蓮隱

淨邦遠近沒途程只貴專心持佛名一念斷時忌計
較六門隨處放光明寶池菡萏花爭吐珍樹頻伽鳥
共鳴來往娑婆知幾遍者圓始不負生平

發明心地序

觀無量壽經云上品中生者不必受持讀誦方等經典善解義趣於第一義心不驚動深信因果不謗大乘妙宗云是義持人不樂讀誦但於經中取一句偈深窮旨趣於絕言思深廣之理心不驚動又復其心安住中道不爲二邊之所驚動了達因果皆是實相名爲深信雖不徧習或聞大教赴機異說知顯一理不生疑謗此卽宗門所謂叅無意味語發明心地者也因其行大乘解第一義以故千佛授手純說甚深第一義諦然七日得不退轉修小劫得無生忍若夫

上品上生者一往卽悟無生法忍須臾卽遍十方歷
事諸佛而究其往生之因則具戒行讀誦大乘修行
六念之人可見如來重戒重學與重悟之意似不欲
偏廢者也至龍樹菩薩如來謂其於世間中顯我無
上大乘法非悟明心地乎曰得初歡喜地非八地菩
薩乎而繼之曰往生安樂國此又與上品三生皆以
大心迴向往生之左券若合符節者也故雲棲云普
賢爲華嚴長子雖塵塵華藏在在蓮邦而行願品必
拳拳乎以往生安樂爲言已悟尚然無悟可知至言
悟自己佛不必求生此爲十地菩薩以上說若云悟

第一義結使未斷者皆不求生則自悞悞人古德言之詳矣

發明心地第七

念佛頌

慈受

樹林水鳥各宣揚寶網金臺盡道場
會得鍾鳴并鼓響彌陀觸處放毫光

西方詠

一元

西方不用學多端一句彌陀在反觀
見得本來真面目始知生死卽泥洹

西方佛號我同名直下承當了不驚
若得一聲親喚

醒何勞十萬億途程

西方公案早行持寂寂惺惺着意疑疑到情恣心絕
處元來自己是阿彌

西方一句是單傳不假修持已現前諸上善人如見
性阿彌陀佛便同肩

西方衆苦不能侵先要當人了自心會得目前真極
樂拈來赤土是黃金

西方一路向前行圓發三心諦理明上品上生彈指
到最初見佛悟無生

念佛心要頌

草庵

釋迦如來說阿彌陀佛是法界身天台智者又言
實相爲體憑茲二說以爲心要則十萬億刹若臨
明鏡矣

無邊刹海海涵空海空全是蓮華宮蓮宮周遍遍空
海空海獨露彌陀容阿彌陀佛不生滅難覓難拈本
中月絕非離句如是身如是感通如是說我與彌陀
本不異背覺潛生忽成異從今掃盡空有塵父子天
然兩相值誓修三福勤六念身口意業無瑕玷我今
以此念彌陀不見彌陀終不厭

懷淨土

中峯

捏目橫生空裏花
妄將三界認爲家
大千常寂光明
土不隔纖塵總是遮

愛繩牽入苦婆娑
哭到黃泉淚轉多
誰謂別離窮劫

恨通身渾是古彌陀

迷時無悟悟無迷
究竟迷時卽悟時
迷悟兩頭俱拽

脫鑊湯原是藕花池

四十八願水投水
千百萬億空合空
法藏慈尊無面

目不須重覓紫金容

正念阿彌陀佛時
寶池樹影日遲遲
更馳心欲歸清

泰又是重栽眼上眉

萬劫死生如重病一聲佛號是良醫到頭藥病俱忘
却不用重宣毋憶兒

一句彌陀作話頭單提不用別叅求工夫徹透泥團
破鐵佛通身也汗流

世界何緣稱極樂只因衆苦不能侵道人若要尋歸
路但向塵中了自心

生滅無生生不生樂邦那肯禁人行誰知萬丈紅塵
裏菡萏花開月一更

此心空寂念何依故國云歸孰未歸花外玉鷄啼曉
日遠迎新佛奉慈悲

成住壞空真淨土見聞知覺古彌陀但於當處忌生
滅父子相牽出愛河

禪外不曾談淨土須知淨土外無禪兩重公案都拈
却熊耳峯開五葉蓮

大夢宅中無一法於無法處有千差回觀自性離分
別念念純開白藕華

閨室中藏大黑虬未曾驅盡莫貪眠觸體壓碎須彌
枕匝地香風綻白蓮

故鄉易到路無差白日青天被物遮別起兩莖眉自
看火坑都是白蓮華

十萬餘程不隔塵休將迷悟自疎親刹那念盡恒沙
佛共是蓮華國裏人

念佛只須圖作佛不圖作佛念何爲但當抱識舍靈
者白藕均同有一枝

示入泥洹記仲春風前歌舞恨波旬誰知自性黃金
佛常共千華轉法輪

寒食荒郊盡哭天有誰遙念老金僊劫初埋向蓮華
土不要人來化紙錢

初夏清和四月時九龍噴水沐嬰兒樂邦化主無生
滅只把黃金鑄面皮

清泰故鄉無六月從教火傘自張空金沙地上經行
處陣陣吹來白藕風

誰知九月東籬菊便是西方四色花一個羈縻乾得
盡百千聞見自無差

念根是一串輪珠痛策歸鞭莫遠圖念到念空和念
脫不知身在白芙蕖

藕絲縛住金烏足業火燒開車軸花更有一般難信
法脚尖踢出佛如麻

纔要歸家卽到家何須特地起咨嗟門前大路如弦
直擬涉思惟路便差

一鉤蘿月照松龕門外無人宿草庵萬億紫金身化
主不離當念是同叅

自性彌陀絕證修只消扣已便相投瞥於當念存能
所又被空華翳兩眸

長鯨一吸四溟乾自性彌陀眼界寬眉裏玉毫遮不
得珊瑚枝上月團團

蓮華國土無金鎖聞見堆中有鐵圍透得目前聲與
色百千賢聖合同歸

活計惟撐一隻艸流中坎止只隨緣古帆幾度張明
月滿目純開佛海蓮

經居念佛佛隨經常寂光搖水底天兩岸中流如不
觸枝枝紅藕發心田

破曉移經直過東蒲帆披拂藕華風一尊自性彌陀
佛出現扶桑照眼紅

念心如影每隨形靜鬧閒忙不暫停打破形軀和影
滅西天此土絕途程

彌陀西住祖西來念佛叅禪共體裁積劫疑團如打
破心花同是一般開

講座平分性相宗相成相破不相同竭來講到華池
上菡萏何曾兩樣紅

艤住東西南北了依然不離古灘頭等閑撥轉虛空
舵香氣滿艤花蒲洲

打破虛空笑滿腮玲瓏寶藏豁然開要明空劫生前
事一一承當見出來

念佛詩

優曇

一句彌陀無妄想聲聲流出自心來便從這裏覷破
去鐵樹無根花自開

一句彌陀息萬機碧潭風靜湛如如夜深月向波心
現湧出銀盤一顆珠

一句彌陀吼怒雷十方剎海眼睛開法王法令親提

起凡也皈依聖也來

一句彌陀上上機氣虛神朗洞玄微全身拶入常光

界實實無言說向誰

一句彌陀正信深曇花早現一枝春分明好箇到家

句白性西方舊主人

一句彌陀心自明信知一步不虛行脚頭脚底彌陀

現萬朶蓮華足下生

一句彌陀便是經受持須要自惺惺百千萬億龍宮

藏只在當人一念成

一念心開薦得渠看時似有覓還無雖然伎倆不多

子展放威光塞太虛
自家一箇彌陀佛舉念之時不見他認得依然成兩
箇與君說破笑呵呵
真常寂處絕思量般若開華正覺場箇裏恒沙諸佛
住一枝優鉢火中香
寂照光中顯大機彌陀覲面露金軀通身手是通身
眼夜半三更木鳥啼
寂照雙亡也大奇照天照地不思議石人撫掌呵呵
笑箇段風光說向誰

禪非智照難窮寂智若無禪照不深禪智圓通無罣

通手言選
碍碧天朗月徹清風

我念彌陀幾許年常思撇了別叅禪自從覲面相逢
後始信長空便是天

我念彌陀會得禪聲聲流出未生前本人撫掌呵呵
笑獨角泥牛海底眠

我念彌陀震法雷勞生夢眼一時開千年老藕新華
綻無限香風動九垓

我念彌陀徹十方十方惟我法中王目前穢淨俱無
碍坵坂堆頭也放光

我念彌陀着相多衆生都喚作彌陀雖然他未承當

得且得彌陀授記他

我念彌陀信有緣尋幽直到虎溪邊孤峯頂上開雙
目徹見心華蒲大千

我念彌陀得趣多眼前都不問如何閒拖拄杖登山
望萬疊峯巒積翠螺

一念心平法界平大千沙界絕丘坑脚頭脚底皆方
便大道堂堂任意行

一卷真經不外求無邊妙義眼睛頭未曾舉起先知
得一剎那間一藏周

一卷真經妙義深幾多人念少知音聲聲突出金剛

眼覷破從前古佛心

一卷真經念出新不知念者是何人若非格外明宗旨爭識衣中無價珍

佛是有聲禪禪是無聲佛有聲與無聲畢竟是何物

金剛正眼頂門開白蓮香散塵沙國

念佛參禪共體裁彌陀西住祖西來但能打得疑團

破紅藕花無兩樣開

諸佛衆生同這箇四生六道阿誰無頂天立地知多少試問誰人識得渠

信心念佛到西方性地蓮開世界香塞破虛空全是

我不須洗面着衣裳

懷淨土詩

楚石

有箇彌陀在自心纔生一念隔千岑于中豈得圓光
照直下翻爲向外尋綠水青山皆妙體黃鸝紫燕總
玄音凡夫只爲貪瞋重不覺身棲寶樹林

無常無我法全該水鳥風林豈異哉不動一塵常在
定遍遊諸刹又歸來凡夫本自同彌勒知識何嘗離
善財堪忍便爲清淨界覺華還向安心開

山雲靄靄水泠泠共說西方一卷經石虎却來巖下
啼泥人先往樹間聽風飄陽焰隨波散雨浥空華逐

言
六
蒂零極樂此時堪駐足彌陀何處不流形

麤境現前猶未識法身向上幾曾知可憐轉腦回頭
處錯認拈香擇火時口耳相傳六箇字聖凡不隔一
條絲堂堂日用天真佛火急圓光也是遲

幽居悄悄柏森森不遣紅塵染素襟一佛號收無量
佛後心功在最初心雲開白月毫光滿雨過青山髻
色深當念休生差別解風聲鶴唳盡玄音

若非念佛便參禪參得禪時佛現前萬丈碧潭從此
淨一輪秋月向空懸直教表裏光明透盡見高低物
象全只箇法王無去住方知不落斷常邊

勸禪者

叅禪只是自明心作佛何須向外尋動靜去來真極
樂見聞知覺古觀音高懸慧日三千界普現慈光百
萬尋把本修行須念佛神仙也要用功深

示某念佛偈

達觀

五十八歲前汝果年多少於此痛觀之多少年便了
了得好念佛未了念佛早生死從身有離身何處討
生日偈

自知今日出娘胎今日如何娘不來來去覓娘無所
得蓮華國裏一枝開

淨土詩

雪嶠

珊瑚枝掛弱犀牛苦海揚波難盡頭咬碎一團空界
月與君把手入層樓

淨土詩

博山

淨心卽是西方土倒跨崑崙入海門行到水窮山盡
處灼然別是一乾坤

淨心卽是西方土官不容針車馬通古木鴉聲纔歇
得一輪明月出烟籠

淨心卽是西方土木馬嘶風過漢秦踏破髑髏誰是
主多年故舊一時新

淨心卽是西方土無相光中有相身心境牽纏成鬼
戲誰爲我也孰爲人

淨心卽是西方土露柱燈籠笑未休喫盡世間酸苦
味蒲團剩有暗香浮

淨心卽是西方土教外須知別路行若是祖師門下
客破顏端不論無生

淨心卽是西方土皮袋還知痛癢無掉轉乾坤何境
界夜明簾外夜明珠

淨心卽是西方土相見揚眉落二三古道不存車馬
迹舌頭無骨定司南

淨心卽是西方土魔界空時佛界空世界間雲收拾
盡一輪迸出海天紅

淨心卽是西方土逐隊隨羣粥飯僧一飽饑瘡無別
事慙慙祇奉佛前燈

淨心卽是西方土古寺清幽月到窓夜半捉來床畔
鼠天明飛出綉鴛鴦

淨土詩

耑愚

遙想西方大導師夜來月吐珊瑚枝玉京吹徹無生
曲正是蓮開上品時

雲有深山鶴有林惟予安養是歸心夜來月照長廊

下一句彌陀劫外音

秋山無伴獨幽尋古殿寒巖步步深一句彌陀傳達
谷空林頑石似知音

呼浪呼波都是水分禪分土豈殊途不知佛法無多
子空逐名言墮有無

跣趺夜半一聲鍾敲破西方不見踪方識彌陀原是
我開簾月照萬層峯

有時獨上孤峯頂遙望西方是我家幾朶白雲出遠
岫一行踈鴈過天涯

觀世音圓通頌

爲尋紫竹林中主誤入圓通不等閒幾片白雲飲綠
水一輪紅日吐青山

雨裏榴花新浴出雲中鳥語帶潮來獨憐消息無人
識幾度披簑移竹栽

蘆葦冥冥秋水陰行人無伴轉蕭森試看念念驚懷
處便是尋聲觀世音

背上癰花堪擬鉢面前目癰可如桃但思就裏誰知
痛莫問圓通白玉毫

死死生生復死來來去去還來普門隊裏無來
去生死叢中見善財

春鶯啼遍柳烟城秋鴈鳴時蘆白聲百鳥百聲聽不
盡何復更問海潮音

手觸手時各有知箇中消息莫狐疑大悲八萬四千
臂試看何人少一支

刺蝟針錐能覆體蝸牛宮殿自隨身青堦白壁皆安
樂花雨香風都是春

螢火腹間燈燭火飛蚊翼上管絃長隨身樂事堪行
樂不必逢人問故鄉

四蹄踞地何其妙兩角撐天亦灑然出沒自由無掛
礙倒騎驢子上雲巔

道尹詩選
枝頭羽族結臺殿地裏羣毛作洞房莫謂幽居有上
下長天虛谷一秋光
蟻穴玲瓏若鬼工層層疊疊密相通微塵身入微塵
土識取光明藏一同

淨土詩

晦夫

紅輪決定沈西去未審魂靈在那方盤山悟處非他
物孝子原來是大郎

月印蓮池池印空風鳴竹樹樹鳴風世間多少奇男
子錯認彌陀在別峯

淨土詩

萍踪

源頭歷歷記分明靜裏休教襍念生
剗斷去來生死路故鄉田地不須爭

淨土偈

沈朗倩

人情末法險波瀾莫把彌陀白眼看
念到驀頭親撞着舍元殿裏話長安

頌諸佛如來是法界身入一切衆生心想中

妙意

乾坤盡是黃金國萬有全影淨妙身
玉女背風無向背靈苗化秀不知春

頌心想佛時是心卽是三十二相八十隨形

好

四維上下絕遮攔湧出水壺卽碧天無孔蘊中藏六
律一聲欸乃過前川

劫外相逢那時行靈苗叢裏鐵牛耕東風吹散千巖
雪空卧無雲孤月明

頌是心是佛

平實商量見題目和盤傾出不寒酸只今夜夜明星
見露出胸襟仔細看

佛與衆生原不異特言成佛誘迷津止啼黃葉渾無
奈夢覺初迴識故人

幾片白雲橫谷口簾前花雨不知春拈匙把箸如明
了掃地焚香不倩人

頌諸佛正遍知海從心想生

鶴巢露滴夢初圓新月半鉤升萬戶一片白雲何處
起白雲兒倚青山父

纖雲不露烟波濶白鳥去盡青天還踏破草鞋跟子
斷巍然同坐大雄山

頌見眉間白毫相者八萬四千相好自然當
現

一毫端內通消息遍界明明不覆藏靜極燦開頂上

通判言通
眼塵勞門內盡金光

自家透脫自家知八萬光明更問誰全體承當全體
見須彌頂上戴須彌

頌上品中生

不必受持讀誦方等經典善解義趣於第一
義心不驚動佛菩薩接引紫金臺如大寶華
普聞衆聲純
說第一義諦

不向經題識本真總堆討甚法王身未開梵夾承當
去免作循行數墨人

痴兒刻意止啼錢良駟追風顧影鞭雲掃長空巢月
鶴寒清入骨不成眠

向來面壁成何事爭得心開見本源空却以來諸佛
子話頭不舉自然圓

淨土偈

蕩益

博山禪師拈淨土偈每云淨心卽是西方土蓋欲
以因攝果也而讀者不達遂至以理奪事予觸耳
感懷更拈西方卽是惟心土俾以事扶理而理不
墮偏空非敢駕軼先達聊附于補偏救弊之職云
爾

西方卽是惟心土離土談心實倒顛念念總皆歸佛
海何須重覓祖師禪

通手言通
西方卽是惟心土理事相應始有功日用未能違現
行如何妄欲擬真宗
西方卽是惟心土土淨心空病亦忌良藥不勞從外
覓阿伽一味有餘香

示修淨業

永覺

綿綿密密勤持念生滅何曾成一片念到生滅不相
干腳底蓮花恒出現

他佛分明皆自佛念他還同念自時有朝念寂忌他
自極樂收歸東院西

休道西方無極樂只因這裏有娑婆打破娑婆成粉

去西方不隔一塵多

五濁娑婆本自空只緣迷執自牢籠空花實實無生滅燦爛全因翳眼中

念佛偈

念佛人要純一出息還須顧入息淨心相繼障雲開
摩着生前自家鼻

念佛人要心勤懈怠從來長妄情憤然一念常如此
寶蓮日日放光明

念佛人要志堅滴水須知石也穿念頭迸出燎天燄
管甚西方五色蓮

蓮華言
念佛人要端正端正方能成正信菩提種子自培成
便是彌陀親法胤

示淨土社諸友

一念彌陀渾似鐵閒忙動靜離生滅此土西方成粉
去說甚無生湯裏雪

崛然一句若金剛百煉千鎚未肯忘直透威音那畔
去不離方寸卽西方

劒輪揮處夜光寒山色溪聲未可瞞直待金鷄親唱
曉五色蓮華映寶欄

持名不用更求玄二句頓超聲色先萬境融成一片

月何分東土與西天
癡狂外逐何時足
山積黃金也積愁
若肯盡情都放下
長空雲淨月輪秋
總攝六根惟念佛
淨情煉盡自圓成
巍巍臺上黃金相
不須起念自分明

莫向境緣生好醜
凝成一念竟無分
忽然打破瑠璃鏡
說法音聲許獨聞

淨土偈

人人有古彌陀十二時
中莫放過
但得心光長
不昧不勞彈指出娑婆

示念佛衆善友

百癡

一聲提起一聲親提起聲聲現本人霧散雲收秋月
朗海天空濶白如銀

彌陀與汝甚冤讎口角垂涎罵不休驀地豁然開正
眼方知步步踏蓮舟

念佛偈

聞學

君有淨土心悟心方知土界道有金繩六時休錯路
念佛念自心念體元空寂當念了無依心心無別佛

懷淨土詩

蓮隱

乾坤總是我茅庵日月常懸燈一龕融盡千差無異

趣會教萬象作同叅穢邦由業應離棄淨土惟心好
荷擔四字彌陀窮徹底劫前花放古優曇

淨土詩

鳳翔

禪悅須從閑處尋分明無始到於今早知有相皆虛
妄山不高方水不深

流出源頭水不清問君何處覓無生淨雲原在青天
外只爲盲人看不明

重艍載寶駕長風西去休教錯向東最苦此中成斷
滅鐵鞵穿破亦無功

萬法都歸不二門昨宵今晚又黃昏要將般若成觀

蓮華言選
照方信神通仗六根

勸念佛

沈芝塘

幼修誰說早老念未爲遲一念圓頭處分明夢醒時

淨土偈

賀壽昌

徃西觀佛有何愁一句彌陀到盡頭智慧頓開生死
了蓮邦得路碧蓮樓

華開見佛序

佛相八萬四千相中之好亦八萬四千好中之光亦八萬四千皆云八萬四千者蓋佛居凡地具於八萬四千塵勞於此塵勞皆見實相理智既合故能示見相好光明皆八萬四千也行人若知心卽是佛能於塵勞皆見實相經云佛觀一切衆生煩惱心中有如來身結跏趺坐儼然不動德相具足天台云諸佛法身與己同體觀佛時心中現者卽是諸佛法身之體所謂是心是佛也佛由觀而生所謂是心作佛也行若應以是佛作佛義一念圓照由觀見佛觀之既熟

經云無量壽佛觀音勢至常來至此行人之所妙宗
云當念卽是來際故能預想將來之事復由佛與衆
生體不別故故令三聖不來而來如此則臨命終時
華開見佛亦是尋常慣事矣

又

王龍舒云有人疑此間人念佛如何西方七寶池中
便生蓮華一朶答云大明鏡中物來自現阿彌陀佛
國中清淨明潔豈不照見十方世界又有疑十方世
界人念佛臨終之際佛與菩薩烏能知而來迎答云
天上一日普照天下况佛威神乎華嚴經云若能念

佛心不動則常觀見無量佛若常觀見無量佛則見
如來體常住夫衆生念佛能見如來豈有如來不能
見衆生乎衆生惡業能見地獄豈有淨念不見如來
乎

華開見佛第八

淨土詠

龐道玄

十方同一等此是真如寺裏有無量壽本來無名字
凡夫不入理心緣世上事乞錢買瓦木蓋他虛空地
却被六賊驅背却真如智終日受艱辛妄想圖名利
如此學道人累劫終不至四性同一舍三身同一室

通非言選
一切惡知識總見彌陀佛說事滿天下入理實無多
常被有爲縛何日見彌陀一念心清淨處處蓮華開
一華一淨土一土一如來

臨終生淨土詩

僊潭

本自無家可得歸雲邊有路許誰知溪光遙落西山
月正是仙潭夢斷時

臨終半月前偈

空裏千華羅網夢中七寶蓮池踏得西歸路穩更無
一點狐疑

勸衆念佛

慈愛

萬人同志念彌陀衆力相成願力多一朶蓮花親見
佛方知淨土勝娑婆

生淨土偈

一行

吾年九十頭雪白世間應無百年客一行道人歸去
來金臺坐斷乾坤窄

懷淨土

北山

滉漾空中仙樂動笙簫聲細天風送接引凡夫歸聖
衆男兒此日方崇重

西土文成東印壤星飛一點千華界勿訝神魂生去
快樂邦只在同居內

八德池深華又大跏趺端坐蓮華載耳聽法音心悟
解從今跳出胞胎外

十八大賢居會下功成五色雲西駕諸上善人都在
那聚頭只說無生話

池邊行樹不全遮裊裊金橋露半斜忽見化生新佛
子紅蓮開處噪頻伽

西方詠

元

西方池內寶蓮開寶物莊嚴自化來百寶光中親見
佛巍巍端坐寶華臺

西方淨土有蓮胎普勸衆生歸去來一念華開親見

佛永無八難及三災

懷淨土

中峯

八功德水映金沙百寶樓臺散曉霞更有一般奇特
事開敷紅藕大如車

任運移船過水南不須向外覓同參自家屋裏彌陀
佛念念開敷優鉢曇

彌陀頌

彌陀大教振西方救度衆生妙莫量九品蓮開垂接
引七重琪樹列芬芳巍巍金相端嚴好皎皎銀臺燦
爛光大覺樓前勤懇禮頓明本性悟真常

淨土詩

博山

淨心卽是西方土親到方能辨祖宗吸盡澄江高着
眼鏡清水底日頭紅
淨心卽是西方土肉髻明珠不用親萬人程途彈指
到莫教孤負好時辰

淨心卽是西方土狹路逢人話短長兩耳聾時聽愈
好鄉音誰與辨宮商

頌是心作佛

妙意

水入水時無別味空投空處沒叅差漚花影裏千尋
浪卽是蓮華般若池

斷絕千崖路未窮誰知鐵壁自能通
渾身是病渾身藥夢跨青鸞入絳宮

山長水遠空相憶黃葉風吹夢裏疑
直見爺娘親面目相逢豈是螟蛉兒

犁牛耕出古黃金照地光天山嶽寒
文叔雖爲天子貴子陵元作故人看

頌上品上生

具諸戒行讀誦大乘修行六念迴
向往生阿彌陀佛放大光明與諸
菩薩授手迎接彈指往生卽悟無
生十方諸佛授記得陀羅尼門

精金百鍊現全功解行相應佛佛
同恠道十方俱歷

事不勞彈指看飛龍

示鄭用弼

永覺

心淨土自淨此理萬難移淨心無別法一佛破羣疑
藕絲如未斷能牽大象馳直教片念息方名見佛時

勸念佛

沈芝塘

臨去西方路明明在目前華開能見佛此處要心堅

廣度衆生序

阿彌陀佛爲比丘時發四十八願已乃託生一切衆
生中同其形體通其語言以設教化故上有天帝下
至微細虫蟻皆託生其中設化無量劫是阿彌陀佛
成佛之因一度生而已釋迦佛爲善慧仙人時以五
百銀錢雇瞿夷五莖華供然燈佛瞿夷問以華供佛
欲何所爲答言爲欲成就一切種智度脫衆生是釋
迦佛發願之始一度生而已華嚴經載普賢菩薩勸
進善財童子有云虛空界盡衆生界盡衆生業盡衆
生煩惱盡我願乃盡而虛空界乃至衆生業煩惱不

可盡故我願王無有窮盡念念相續無有間斷身語
意業無有疲厭至臨命終時最後剎那一切諸根等
悉皆散壞惟此願王不相捨離願王導引往生極樂
世界見阿彌陀佛生蓮華中蒙佛授記於煩惱大苦
海中拔濟衆生令皆得往生極樂世界是華嚴經大
願一拔濟衆生皆往生極樂世界而已華嚴經迴向
品云我當於彼地獄畜生閻羅王等險難之處以身
爲質救贖一切惡道衆生令得解脫此煩惱大苦海
中拔濟衆生之事也則是求成佛與求生淨土總是
爲度衆生故故未生淨土者雖度生之舟楫未具不

能隨諸衆生出入生死而以彌陀之舟楫爲舟楫亦
可行度人之事彌陀願云十方衆生稱我名號必生
我國地獄餓鬼亦生我剎雲棲云念佛一門普逗六
道衆生之機佛以無緣慈攝衆生者入衆生性爲內
熏或現身說法爲外熏則勸人念佛卽是如來外熏
之義華嚴經云卽以利益諸衆生而爲自行清淨業

廣度衆生第九

頌念阿彌陀佛結十萬緣會 文潞公

知君膽氣大如天願結西方十萬緣不爲一身求活
計大家齊上渡頭艍

西方詠

一元

西方彈指悟無生上品金臺佛早成面見彌陀親授
記當來說法度羣情

西方不擇富和貧不揀賢愚貴賤人不問女男并老
幼不分僧俗與冤親

西方功德水無痕念佛先須達本根非但人倫生淨
土蛭飛蠕動也沾恩

讚喻彌陀偈

丁注

淨師捨妻孥爲如來徒募萬人結淨土會鄉人

丁注以偈讚之

心淨佛土淨法王非妄言拔身出塵垢已現火中蓮
一念不起滅極樂卽現前大千同此境豈止萬人緣

懷淨土

中峯

四生六道蒲河沙只爲當初一念差返照圓光來受
度超生淨土托蓮花

一句彌陀自主張別無一法可思量明明直指歸家
路四衆同登大覺場

普勸念佛

優曇

念佛門深入者知窮玄極寂妙難思藕絲竅裏開珍
藏濟物利生無盡期

念佛門如大渡船渡人渾不擇賢愚若知這畔風波
險便好登舟過那邊

道人來到道人家一炷清香一盞茶不說世間塵俗
事聲聲只讚白蓮華

一卷真經念了時無邊功德不思議天龍八部皆回
向大地含靈得路歸

一切衆生無殺業十方何處起刀砧家家戶戶皆修
善勸念彌陀報四恩

一藏靈文不覆藏星輝月朗顯堂堂目前不昧親提
起普請知音共讚揚

一句彌陀開化門豈拘城市與鄉村直饒邪見人聞
得也落音聲入耳根

一句彌陀多善根蜎飛蠕動也沾恩三塗地獄纔聞
得捨苦皆歸解脫門

懷淨土

楚石

讚佛言詞貴直陳攢花簇錦枉尖新自然潤澤盈身
器無數光明湧舌輪稱性莊嚴依報土隨機勸發信
心人願求功德池中水盡滌娑婆界上塵

勸琴者

由來學道似彈琴清濁高低自在心聲太促時絃又

通和言選
斷指纔停處韻還沈一塵不到山當戶萬籟俱消月
滿林拋却絲桐勤念佛子期未必是知音

勸樵夫

瞥然撒手向懸崖樹倒籐枯是爛柴盡轉山河歸自
已都將風月付平懷擔頭自有千鈞重脚下曾無一
線垂樵者如斯真念佛蓮臺不必預安排

勸山居人

山棲念佛最幽深魚躍澄潭鳥轉林如此樂邦真境
界自然終日好身心雪梅競吐枝頭玉霜橘爭垂葉
底金無量壽隨塵刹現衆生多只向西尋

淨土詩

博山

淨心卽是西方土雨灑雲蒸分外奇一具骨頭明歷歷振聲也要大家知

示達理上人

永覺

向道西方甚易生祇恐凡心不肯休歇盡凡心歸正覺此心便是渡人舟



施資刻此

蓮邦詩選一卷奉為

孝裕大王大妃殿下趙氏惟福惟壽同天同地恭
願伏此勝緣發菩提心面向蓮邦往生上品普
攝羣有同圓種智

光緒壬午三月 日甘露社識

蓮邦詩選 終





